

安邑縣志





安邑縣志

山西人民出版社

安 邑 县 志

运城市地方志编纂委员会 整理

樊道白 张博文 畅 筠 点校

*

山西人民出版社出版发行 (太原并州北路十一号)

山西省新华书店经销 山西人民印刷厂印刷

*

开本: 787×1092 1/16 印张: 30 字数: 444千字

1991年1月第1版 1991年1月山西第1次印刷

印数: 1—1,740册

*

ISBN 7-203-01220-4

K·54 定价: 16.70元

前 言

一部搁置五十四年之久的《安邑县志》稿，经我市地方志编纂委员会点校整理之后正式出版了。

这部志稿是一九三四年（民国二十三年）由博士景定成先生总纂而成的。

景定成先生早年留学日本，追随孙中山先生从事反清、讨袁斗争，是一位积极的革命活动家和著名的学者，时有南章（章太炎）北景（景定成）之誉。

景先生对方志学亦颇有研究，“漫游南北，所至必搜求其地志，以资参究，而略识其中之得失”（见志序）。他总纂的《安邑县志》，既批判地吸收了清代著名方志学家章学诚的精辟见解，又在体例和内容方面有一定的创新。主张“详今略古”，详述革命事迹，以显示时代精神；广志物产，以免弃物于地；择集农谚，以供农家参考；条列陋规，以戒后来。尤其人物传中打破了旧志轻视劳动人民及某些行业的传统习惯，使武术、优伶等一并入志，可谓民国时期方志战线一大创举。志稿取材丰富，褒贬分明，具有鲜明的政治观点和时代特色，为研究运城市的社会历史，借鉴经验和汲取教训提供了较为完备的珍贵资料。

《安邑县志》稿确为民国时期的佳志之一，但在当时未及付梓。迨至日军侵入，到处焚掠，竟至遗失。后经县民李梦庚于无意中得见，辗转秘藏，赖以保存。党的十一届三中全会之后，百业俱兴，盛世修志，举国翕然，整理出版旧志，备受重视。《安邑县志》稿始得公开出版发行。欣喜之余，略述梗概，并谨向山西人民出版社古籍整理编辑室和参与点校整理出版工作的诸同志表示诚挚的谢意。

运城市市长 刘高迪

一九八八年十月

新修安邑县志序

仆生长古越，尝游会稽、寻禹穴，慨然想见夏后氏朝会万国诸侯之盛。及壮岁服官三晋，历知乡宁、平陆、临晋、永济诸县事，随地欣见唐虞之遗风，犹以未睹禹迹为憾。嗣调任安邑，识为神禹故都，虽下车泣囚、过门不入之胜地，不可得而访寻，然善政养民之嘉谟，闻善则拜之良规，则昭然在心目间也。适值邑中人士倡修县志，同时成立文献委员会，调查史资，发现夏礼在晋，宜乎孔子之杞而叹文献不足征也。兹何幸而获随诸君子之后，追禹明德，纘禹旧服，抚安邑货币之奥奇，忆铸鼎象物之神秘，究《连山》易象之精微，考夏正纪时之证验。且缀夏魏之世谱，阐明政治之变迁，列区村之新制，叙述革命之功绩。人物备录兼提高武术、优伶之资格，经籍补志复采集方言、谣谚之精华，而对于正德、利用、厚生大端，尤谆谆致意，俾今后本邑之吏民有所取法。果能念兹在兹，释兹在兹，庶几乎天平地成，六府三事允治，嘉言罔攸伏，民协於中，而夏后氏之遗休可更睹已。于以见修志诸君子用力之勤，取材之富，足补旧志缺漏，而树邑乘之楷模。较之仆向在乡宁等县主纂之新志，无多让焉。斯志也，创议于张、郭两令尹，仆幸图其成而未谋厥始，诚不敢自以为功，然亦非妄自附于大禹之不矜不伐，而故为是鸣谦也。用辄志其梗概，俾弁于简端。

中华民国二十三年元旦任命安邑县县长诸暨赵祖朴撰

新修安邑县志序

地方之有志也，实昉于近世。安邑称大禹故都，夏礼存焉，而文献无征，殆阅数千年之久。迄至明万历间，邑令耿公启始聘曹、刘两先生开局纂修县志。观曹序有“考纪载于群书，访遗踪于耆老，听评驳于舆论”三语，提要钩玄，可作修志者之典范。惟云踰百日而志成，未免失于急就。以故旧志对于史乘颇多遗漏，后贤续修，又未能补正，阅者憾焉。矧政体大更，文化骤进，志书条例，理宜革新。前清学者章实斋以倡修地志鸣于时，夷考其书，则大纲无失，而细目已乖。最近故人刘师培君曾著《编辑乡土志序例》一书，所列门类较为详备，且斟酌今古，以蕲合乎新兴之文化。如以人物志拟伦理，文学志拟国文，政典志拟法治，风俗志拟社会，方言志拟国语，物产志拟博物，金石志拟美术，均甚相契合，而非影响附会之谈。定成漫游南北，所至必搜求其地志，以资参究，而略识其中之得失。前岁返里，适逢张令澄秋、郭令用明相继提议重修邑志，规模初具而调任。赵令沧波继职，重申前议，并以现在乡宁、临晋修志之往事为衡，推定成承乏纂述，迺追随邑贤之后，勉尽绵薄。因鉴于旧志之脱略，力避简易，增加门类，间有取于《通志》，期无乖于新规。特缀夏、魏两世谱，以抒思古之情愫，而备文献之征求。又发夏禹佚存著作大旨于经籍志之首，以作地志三文之权舆。三文云者，天文、地文、人文也。《夏小正》则志天文之朔也；《禹贡》、《山海经》则志地文之朔也；《大禹谟》则志人文之朔也。于是书分野、气候、节令等，以明天文之绪；书山川、沿革、城村、古迹、物产等，以明地文之绪；书人物、艺文、金石、方言、谣谚、杂闻等，以明人文之绪。人文之中，足资天文、地文之考证者甚多，阅者自能留意及之，无烦剖判。逾年而志成，尚惧有所疏失而弗俱与埋没而弗彰者，然视旧志则较为详进矣。兹特备书修志之始末以为之序。

中华民国二十三年二月景定成序

新修安邑县志凡例

- 一、民国肇造，政体变更，地志史书，均宜重修，一新读者之耳目，故本志定名为《新修安邑县志》，以别于原志及续志。
- 一、地志体裁，不同正史，《山西通志》所以特定录、略、考等称，然亦不宜太拘，因分别采用之。
- 一、旧志地图用旧法，对于经纬、道里、山川、形势多不明了，今特用新法绘之，庶几改观。
- 一、禹都安邑，桀败于鸣条；魏绛迁安邑，终于公子豹，故城在焉。是夏、魏始末俱在本邑。用特补缀夏、魏两世谱，以资考古者之参究。
- 一、学制祀典，古今悬殊。志其废兴之遗迹，并其革新之趋势，自应略古而详今。
- 一、县政改组，因时制宜，区村分治，允称新法。合志其改革之规模，以促成民治之进步。
- 一、古者天子所都曰邑，夏名夏邑，商名商邑，周名京师。本邑之名，自沿古称。昔与夏县为一地，两县连称，夏邑昭著，指为禹都，断非皇甫谧之私言。按安邑与舜陵均为后儒所疑，然鸣条地名，无从他索。尝谓揖让终于鸣条，征诛起于鸣条，为本邑古迹特色，考古者宜刮目焉。
- 一、旧志金石一门过略，至佚夏币安邑金化。化，古货字，即《书》“懋迁有无化居”之“化”，非后世所得伪托。兹由《通志》采入，加以旁考，可作本邑为禹都一证。
- 一、人物或称乡贤，旧略技艺一门，今并附入武术、优伶于末，以资倡导。
- 一、魏文侯为本邑文化先河，旧志但记“段干木逾垣”一节，未免疏失。兹特书当时侯之师友详情，以兴起后学之观感。
- 一、方言、谣谚具有地方特色，旧志未载。兹择方言之合于雅训者，以明古今言语之变迁。谣谚则注重农谚，以供农家卜候之参考。
- 一、经籍为一邑典章之原委，特从《通志》采入。对于古籍佚存及内容提要记之，以示珍异。
- 一、盐池虽详《盐法志》，实为本邑特产，因志其概略以彰宝藏。
- 一、物产旧志亦太略，兹特详志，并及新发见之矿产，以免弃物于地。
- 一、大事记详载革命近事，以显著时代精神。
- 一、村名考原，关系民族播迁与地方沿革，择要录之，以作县志之特例。
- 一、科学昌明时代，学者讳言灾异及鬼神，特列入杂记，以供社会谈助。
- 一、诗文择录关系邑乘之题咏，亦地志通例也。

新修安邑县志姓氏

督修

任命安邑县县长赵祖抒浙江诸暨县人。

任命高平县调署安邑县长周毓琰

总纂

博士景定成本邑人。下仿此。

分纂

前清邮传部主事周克恭

前河南沁阳县知事王攀桂

采辑

山西高等法院院长邵修文本邑人。下仿此。

绥远省财政厅厅长李居义

山西省禁烟拒毒会委员吴鉴

简任职陆军少将杜之瑞

山西方山县县长惠有孚

国会议员张承绪

山西五寨县县长杨柏荣

安邑第一高级小学校校长姚树勋

国立北京大学毕业杨东泽

前安邑县公款局经理周承舜

前清内阁中书优贡刘子荫

山西第二中学校教员李锺骥

山西省议会议员乔孝恭

清附生任鸿钧

山西五台县县长王廷芝

清附生南檀龄

清附生周存敬

清增生周存顺

清附生文璵

山西优级师范毕业吕自修

山西禁烟考核处处长周蕢

前清长芦盐大使柴晋芳

癸卯科举人刘传经

山西宪兵营营长杨新泰

山西省立第二女子师范学校教员李汉兴

山西省立第二女子师范学校校长张自安

前安邑县公款局经理李湛霖

山西祁县县长马继援

清增生荆树花

安邑县财政局局长任福成

安邑县财政局局长周世纶

安邑第一高等小学校校长张尔浚

山西高等地方法院检察官周世定

河东盐务稽核分所科员杜皎

警察学校毕业卫国康

运城商会主席贾士杰

安邑县差徭局长清附生郭仁静

清附生石崧生

北平法政学校毕业梁锺清

清监生分发陕西试用巡检段联元

第一科科长兼秘书周德峻

第二科科长郑维侨

校对

公民周薰馥

山西省议会议员周师文

安邑县志目录

卷 首

- 县境总图..... (原缺)
 县城图两图均无..... (原缺)

卷 一

- 沿革考..... (1)
 疆域考..... (5)
 区村考..... (6)

卷 二

- 山川考..... (11)
 城邑考..... (13)

卷 三

- 物产略..... (15)
 生业略..... (18)
 盐法略..... (19)

卷 四

- 赋税略..... (20)
 公款略公产附..... (35)

卷 五

- 礼俗略方言谣谚附..... (38)
 革新略..... (58)

卷 六

学制略.....	(61)
军政略.....	(68)

卷 七

职官谱.....	(71)
名宦录.....	(87)

卷 八

科名选举学校毕业谱.....	(92)
----------------	--------

卷 九

乡贤录上忠烈 孝友 节义.....	(144)
-------------------	---------

卷 十

乡贤录下文儒 仕实 艺术 方外流寓附 武技优伶附.....	(160)
-------------------------------	---------

卷 十 一

烈女录.....	(180)
----------	---------

卷 十 二

革命大事记.....	(200)
荒政记.....	(200)
古迹记城堡 寺庙 冢墓.....	(207)

卷 十 三

金石记.....	(217)
经籍记.....	(223)
杂记.....	(226)

卷 十 四

文选上.....	(232)
----------	---------

卷 十 五

文选下.....	(253)
----------	---------

卷 十 六

诗选.....	(277)
附录 旧志序.....	(299)

安邑县志卷一

沿革考

安邑古称禹都，得名在蒲坂，平阳之后。殆因洪水既平，民始安居，因此为名，纪禹之功，实乃奠定山河之嘉称也。故历年数千，虽建置分合略有变迁，而原名弗改。其沿革考之甚易，惟将历代所属隶之州郡标出为表，於后方而加案语，以昭古今疆域之同异云尔。

安 邑 沿 革 表

时 代	隶属之统计	郡 国	县邑名称	他邑之分合
夏	冀 州		安 邑	
周		晋 国		
春 秋		晋 国		
战 国		魏 国		
秦		河 东 郡		
汉	司 隶 校 尉	河 东 郡	安 邑	
晋	司 州	河 东 郡	安 邑	
北 魏 齐 周	秦 州	河 东 北 郡	北 安 邑	夏县为南安邑
隋	虞 州	河 东 郡	安 邑	
唐	河 中 道	河 中 府	安 邑	

续表

武德元年				析置桐乡县
三 年				析置兴乐县
贞观十七年				属蒲州
至德二年				改虞州
大历四年			安 邑	
乾元三年				割属陕州
宋	陕西路	蒲州	安 邑	
金	河东南路	蒲州河中府	安 邑	
元	晋宁路	河中府解州	安 邑	
明	山西布政司	平阳府解州	安 邑	
清	山西布政司	解州	安 邑	
民 国	山 西 省	河 东 道	安 邑	

按晋《地理志》及太康《地道记》均云：“虞舜旧都安邑及鸣条地”。《帝王世纪》及《通典》又均云：“安邑为尧舜旧都，后为夏禹都。”因禹都较为可据，故表中未列唐虞。至春秋属晋，为苦城邑，一曰为晋邻驪邑。谓之苦城，实为监城之转变。又《左传·桓二》，晋穆侯夫人姜氏以条之役生太子。《山西通志》：条即鸣条，在安邑境。古条为邑名，是可谓安邑一异称。战国为魏都，至惠王三十一年乃徙大梁。就《孟子》河东凶河内凶一节论，则安邑当时尚未入于秦。至秦昭襄二十一年，魏献安邑，始置河东郡。北魏神䴥元年，郡治蒲坂，又徙安邑于夏禹旧城西四十里，为河北郡治。太和十一年，于县置安邑郡，又分置南安邑县，改县曰北安邑。十八年复属河北郡。后周置安邑郡。义宁元年，于县置安邑郡，以安邑、虞乡、夏县属焉。唐为次畿。武德元年，废郡，改为虞州，又析安邑及闻喜县置桐乡县；三年，又析安邑南境置兴乐县，属秦州。贞观元年改省，十七年改州废省，桐乡入闻喜，以安邑、解州属河东郡。乾元二年，隶陕州。大历四年，复故名。元和三年，改属河中府。五代、汉，属解州。宋、元、明并隶平阳府解州。清因；雍正二年，直隶解州。民国改为独立县。

夏世谱

禹受舜禅，授天下于益而人民归启，仍都安邑。子孙继统约四百余年，国亡于帝癸。中世虽有数帝迁都于商原及老邱河等地，而观汤伐桀，升自陟，战鸣条，征夏邑，则是始终于安邑也。说者谓夏县瑶台顶即桀之璇宫遗址，以古者天子居山，论亦颇符合夏县古与安邑为一境，则夏之世谱载于本志中，自无不宜。

夏	
大禹	夏后氏颛顼曾孙，崇伯鲧子，姒姓。受舜禅，以金德王，都安邑。八年六月，雨金于夏邑。八月，崩于会稽。
帝启	禹子。元年癸亥即位于夏邑，大飨诸侯于钧台。六年，伯益薨，祠之。十六年崩。
帝太康	启子。元年癸未即位。畋于洛表，羿拒于河，遂都河南阳夏。四年崩。羿据河北以代夏政。
帝仲康	太康弟。元年己丑即位。五年，允侯帅师征羲和。
帝相	仲康子。元年戊戌即位，居商。八年，寒浞杀羿。二十八年，寒浞使子澆弑帝，后缙归于仍，生少康。
帝少康	相子。伯康杀浞，少康自虞归。元年丙午即位于夏邑。十八年迁于原。二十一年崩。
帝杼	少康子。元年己巳即位，居原。五年自原迁于老邱。十七年崩。
帝槐	杼子。《纪年》作帝芬。元年戊子即位。三十六年作圉土。四十四年崩。
帝芒	槐子。元年壬申即位，以元圭宾于河。五十八年崩。
帝泄	芒子。元年辛未即位。
帝不降	泄子。元年己亥即位。三十五年，殷灭皮氏。五十九年，逊位于帝扃。
帝扃	不降弟。元年戊戌即位。十年，帝不降崩。十八年，帝崩。
帝廑	扃子。一名允甲，元年己未即位于西河。八年，天有妖孽，十日并出。其年帝崩。
帝孔甲	不降子。元年乙巳即位，居西河。使刘累豢龙，以继豕韦之后。九年崩。

续表

帝 皋	孔甲子，一作帝昊。元年庚辰即位。三年崩。
帝 发	皋子。元年乙酉即位。诸夷宾于王门，再保塘会于上池。七年崩。
帝 癸	发子，名桀。元年壬辰即位。三年，筑倾宫，毁容台。二十二年，汤来朝，囚之于夏台，既而释之。三十三年，杀大夫关龙逢。三十一年，商汤升自陟，征夏邑，克昆吾，战于鸣条，夏师败绩，桀奔三腰。商往征，获之于焦门，放于南巢。

春秋战国魏世谱

春秋，晋卿毕万事献公，以功封于魏，始治霍，至魏绛，徙安邑。暨战国，桓子之子魏文侯昭著文化于本邑。其孙称王，因败于秦，徙大梁，即梁惠王也，后为秦所灭。诸侯起而亡秦，故公子魏豹自立为魏王，仍居安邑，汉高命韩信取而灭之。是魏亦可云始终于安邑也。因合为一谱云。

魏	
毕 万	毕公高之后，绝封，为庶人，事晋献公，伐霍、耿、魏，灭之，公以魏赐万。说者卜其后必大云。
芒 季	毕万子。从《世本》。因《史记·魏世家》缺一世。
武子犇	芒季子，《世本》作武仲州，州即犇也。从晋文出亡。
悼 子	武子子。《史记》云：徙治霍。
庄子绛	晋悼公元年为司马，主和戎，徙治安邑。
魏 嬴	庄子子。
献子舒	《世本》名荼，同声字也。晋顷公十二年，代韩起为六卿之一。
简子取	献子子。
襄子曼多	简子子。《世家》云：侈即曼多之变也。
桓子驹	襄子子，与韩康子、赵襄子共灭智伯。

续表

文侯	桓子子，名斯。周威烈王二年嗣立。立二十年，命为诸侯，都安邑。
武侯	文侯子，名击。在位十六年。二年，城安邑土垣。十一年，与韩、赵三分晋地。
惠王	武侯子，名罃。在位三十六年。三十一年，秦、赵、齐共伐魏，以安邑近秦，始徙大梁。孟子往见。
襄王	惠王子，名嗣。在位十六年。
哀王	襄王子。在位二十三年。
昭王	哀王子，名邀。在位二十九年。二年，与秦战解，不利。六年，与秦河东地四百里。十年，纳安邑及河内于秦。
安釐王	昭王子，名圉。在位三十四年。
景湣王	安釐王子，名午。在位十五年。
王假	景湣王子。在位三年。秦灌大梁三日，城坏，请降。魏亡。
魏王豹	故魏诸公子。从项羽入关，自立为魏王，徙河东，都平阳，后居安邑。亡于汉。

疆域考

秦易封建为郡县，使县缀系于郡之下，以方百里为界限，故有雷封之号。安邑在秦以前为王者都，其疆域大于百里，就夏县古与安邑合，即可见已。自北魏分设南北安邑之后，而本邑之疆域截长补短，仍不失为大县。且因盐池关系而建置运城于境内，遂成为一冲繁紧要之地矣。以形胜论，则自汤伐桀升自阝，梁惠王丧地于秦，继以韩信灭魏豹，此后无重要军事。最近革命军兴，虽时有驻军，幸未列入战区，自固有疆域之责者所深幸也已。

按本邑旧直求解州。隶解州者共四县，以本邑为首县，次夏县、平陆、芮城，民国改为独立县。至太原九百六十里，至河东道治十五里。河东道驻运城，在本邑境内。东西广四十五里，南北袤七十五里。明、清以北平为京师，计距本邑一千九百三十里。

四至八达

由县治起点
东至夏县界裴介镇二十里，至夏县治四十里。

西至解州界八里铺三十三里约。

西南至解州治五十五里。